



[首页](#)
[留言板](#)
[新闻](#)
[文档](#)
[我要投稿](#)
用户名: 密码: [记住我](#) [登录](#) [注册](#)

当前位置: 文档 » 文档明细查看 » 中日汉籍全文检索 » 朝鲜 » 朝鲜 » 高丽史 » 世家

高麗史三十五 世家卷第三十五 忠肅王二

来源: 投稿人: 发布时间: 2008-6-20 阅读次数: 2

世家卷第三十五。高麗史三十五。正憲大夫工曹判書集賢殿大提學知經筵春秋館事兼成均大司成臣鄭麟趾奉教修。忠肅王二。○(庚申)七年春正月辛巳朔元來告日當食停賀正禮百官素服以待不食。癸未乃行賀禮。辛卯遣摠部典書尹碩如元賀千秋節。丁未遣吉昌君權準如元賀聖節。二月庚申葬靖和公主。甲子停燃燈。丙寅郎將玉純自元來報帝崩皇太子卽位是爲英宗。百官會哭于紫門。戊辰遣檢校評理秦良弼如元陳慰。甲戌王微行獵于郊。戊寅移御上洛君金恂第。三月甲申上王承皇太后懿旨命刷宦者伯顏禿古思等六人所奪土田獲歸其本主。庚寅遣評理金怡如元賀登極。夏四月辛亥等。乙卯雨。丁巳以權溥爲僉議政丞。金利用爲贊成事。趙雲卿李光逢爲評理。戊午元帝卽位詔天下遣禮部郎中忽刺出來頒詔。庚申宴元使王醉杖密直副使尹莘傑。甲子宴元使王作詩侍臣和進。連夜宴飲樂賜妓總頭無由是府庫虛竭。五月己卯元帝與左右打毬於禪興寺前。癸未幸天寺命密直使元忠打毬觀之。六月己巳遣丹陽大君如元賀登極。辛未遣大護軍尹吉甫如元獻。壬申夜幸蓮花寺諸司供膳不備翼日又獵。甲戌慮囚。秋七月以蔡洪哲爲重大匡平康君。崔誠之判民部。金怡趙延壽爲贊成事。元忠爲評理。金元祥爲三司使。尹莘傑柳墩爲密直使。尹奕張瑄檢校評理。李齊賢知密直司事。鄭允興爲密直副使。曹爲選部典書。癸巳以尊皇太后爲太皇太后詔天下遣別里哥不花來頒詔。丙午遣贊成金怡如元問上王起居。八月庚戌遣使來求童女五十三火者二十三。癸丑移御于德妃宮。明順妃卒。癸酉夜王微行于近郊。九月戊寅塑文宣王像王出銀瓶三十以助其費宰樞皆出幣助之。癸未賜崔龍甲等及第。李齊賢朴孝修所取也王嘉孝修清白賜銀瓶五十米百石令辦學士宴。丁亥幸平州溫井戊戌夜還宮。百官迎謁中門判官趙文瑞喝于駕前馬驚王怒命執之百官皆走自後微行見人則輒令歇之。庚子慮囚。癸卯遼陽人獻鷹犬馬。冬十月丁巳遣丹陽府注簿安軸長興庫使崔灌司憲*{糾}正李衍宗應舉于元。十一月丁丑以金利用都僉議政丞。吳潛爲贊成事。尹碩爲密直副使。癸未遣吉昌君權準如元賀正。壬辰遣大護軍鄭顯如元獻童女。甲辰遣尹碩郭惟堅問上王起居。葬貞信府主。十二月戊申帝以學佛經爲名流上王于吐蕃撒思結之地。去京師萬五千里。隨從宰相崔誠之等皆逃匿不見唯直實文閣朴仁幹前大護軍張元祉等從至流所。遣政丞金利用如元進方物。庚戌遣張沈尹莘獻盤纏于上王。壬子以韓滉爲選部典書。全英甫爲密直副使。乙卯百官上書中書省訟上王之寃。戊午王大集僧徒于旻天寺爲上王祈禱。乙丑慮囚。戊辰以許富爲選部典書。李宜風爲摠部典書。安珪爲代言。辛未復置政房以代言安珪掌錄注右常侍林仲沆議郎曹光漢應教韓宗愈等之。癸酉寧王送羊一百頭。○(辛酉)八年春正月庚辰元以改元至治遣使頒詔。壬午遣內書舍人安鈞索盤纏于慶尚道。癸未遣永陽君李瑚如元賀聖節。乙酉遣陽城君李獻童女。己亥護軍李仁吉還自元詔王入朝。辛丑元以加上太皇太后尊號詔天下遣使頒詔。甲辰以金利用守僉議政丞。金恂判三司事。吳潛朴虛中僉議贊成事。趙璉金台鉉爲評理。金元祥爲政堂文學。朴侶趙延壽爲三司使。朴元恒爲密直使。秦良弼韓滉知密直司事。尹碩李伯謙同知密直司事。全英甫柳有奇任瑞爲密直副使。二月丙寅金利用致仕復以柳清臣代之。丁卯王出。三月甲戌朔復置察理辨違都監。遣丹陽大君如元賀改元冊太后。庚子親醮于康安殿。夏四月乙巳王于南郊。辛亥再等。癸丑隕霜。癸亥杖右思補李左思補王伯于闕下流于島。郎將金呂突入白王曰：“人打吾妻願王治罪。”王曰：“以汝室家之故敢告我耶？”流呂及妻于島。丁卯王如元四更出自陽善門百官不及拜辭柳清臣吳潛元忠韓滉尹碩柳有奇安珪等從之。壬申令三司使金恂密直使白元恒密直副使尹碩全英甫大護軍李仁吉及監察部官杖權漢功蔡洪哲流于遠島。先是上王之留元也國家政事倉庫出納一委親近雖有過舉然倉庫盈羨人心畏服。自西幸以後宦官左右謀改忠宣之政放逐舊臣倉庫俱竭。英甫弟僧山枳及吳佛老等付伯顏禿古思蜂起扇亂。五月丁丑百官詣青雲寺奉懿妃眞移安妙蓮寺。庚辰雨雹大如李梅。癸巳禱雨于圓丘。甲午前益城君洪奉來求藏經紙。丁酉太白晝見犯日。辛丑雨。同知密直司事李伯謙卒。遣密直任瑞如元獻。六月癸卯朔日食既。庚戌設星變祈禳法席於內殿。壬子鷹揚軍上護軍元甲卒。戊午禱雨。甲子雨。丁卯慮囚。辛未王遣上護軍孫起有二罪以下。秋七月上王至西蕃獨知里寄書崔有權溥許有全趙簡等云：“予以命數之奇罹茲憂患。予爾一身跋涉萬五千里向于吐蕃辱我社稷多矣。寢不安枕食不知味。想諸國老亦勞心焦思*O增惶愧。國王年少無知向之憚我群小輩必幸我如此肆其奸巧焉知不*聞我父子乎。幸諸國老同心力敷奏于帝予速還。”於是全與閔漬等如元請王還國爲潘王之黨所沮竟不能達而還。八月丁未太白晝見五日。丁巳大護軍孫琦齎金銀奉如元獻王。壬戌判三司事金恂卒。九月辛巳檢校僉議政丞李卒。戊子密陽君朴義卒。冬十月己亥遣李彥如元賀正。庚戌以崔有爲大寧君。金台鉉判三司事。吳潛朴虛中趙璉僉議贊成事。趙延壽金元祥爲三司使。白元恒韓滉僉議評理。秦良弼知密直司事。全英甫知密直司事兼大司憲。任子松李宜風同知密直司事。朴孝修李彥忠林仲沆爲密直副使。閔漬裴挺守僉議政丞致仕。許有全朴全之子珪李瑚閔宗儒守僉議贊成事致仕。權謙安文凱爲右左代言。崔之甫慶斯萬爲右左副代言。乙丑奉安靖和公主眞于順天寺。十一月壬午元以加上尊號遣使頒詔。上王寄書崔有權溥裴挺守許有全金*O趙簡等曰：“予以十月六日到吐蕃撒思結。似聞帝許予還國。其言若實公等無以爲念不然與柳清臣吳潛議以高王之於聖武元王之於世皇率先歸附佐運樹功先考忠烈王得尙公主于帝室亦有微勞之意表請于帝奏記丞相予無久於此。”十二月癸卯元以冊立皇后詔天下。丁未白元恒朴孝修等會妙覺寺上書中書省乞還上王。乙卯慮囚。○(壬戌)九年春正月王在元代言慶斯萬等托王命請大寧君崔有。以下群僚爲書請王復位還國。書成付潘王者多乃置書妙覺寺使巡軍任松守之斯萬等竊取其書付金之鏡趙石堅直呈中書省。後潘王*傳{傳}寫其本付河中仁平以示宰執。癸酉帝遣使賜潘王母安妃手。戊寅遣密直使任瑞大護軍金資如元賀聖節。二月壬戌知密直司事林仲沆如元賀冊后行至婆娑府達魯花赤不給驛馬不得入而還。三月癸酉慮囚。辛巳元以王不奉行帝遣翰林侍制沙的等來訊。夏四月丙午沙的執員外部郎都刺及式目都監錄事李允誠別駕徐允公歸。五月己丑遣前僉議評理金怡如元獻盤纏于上王。甲午密直副使裴廷芝卒。閏月庚子僉議贊成事致仕宋英卒。己酉遣密直副使柳有奇如元獻。秋七月丙申朔帝遣蔡河中賜安妃滿殿香且求織紋苧布。八月辛巳僉議贊成事趙璉卒。丙戌前贊成事權漢功等欲請立潘王暲會百官慈雲寺上書中書省己丑漢功等復會慈雲寺署省書未半天忽大雨雹。九月乙未朔漢功等又招百官署名震電以雹大如李梅。乙卯察河中齎織紋苧布如元。壬戌慮囚。冬十一月甲午朔日食。丁酉遣僉議評理趙雲卿盤纏于上王。戊午慮囚。十二月丙寅以潘王鈞旨遣上護軍楊起三司副使李謙如元賀正。戊寅摠部典書朴之貞如元弔太皇太后。○(癸亥)十年春正月王在元。柳清臣吳潛上書都省請立省內地不從。甲辰贊成朴虛中如元賀節日。濟州萬戶林淑擅自離任因于行省宥復之任。戊申太白晝見經天。己酉濟州人爲匿名書揭于市云：“林淑甚貪侵漁萬端民不堪苦今復之任吾輩奚罪?”又一行省門曰：“左右司郎中烏赤受淑賄賂枉法免放省府若不推劾吾等千人當訴于上省。”於是罷林淑以朴純仁代之。壬子驪興君閔漬駕洛君許有全興寧君金*O如元請召還上王崔誠之李齊賢在元獻書元郎中及丞相拜往請召還上王。二月戊子帝命量移上王于朶思麻之地。五月庚子大雨雹。禁酒。六月庚午林君金子興卒。丁亥倭掠原漕舡於群山島戊子又寇楸子等島擄老弱男女以去。七月庚子遣內府副令宋子羅道與倭戰斬百餘級。九月戊戌式目錄事沈文淑還自元言：“前月癸亥御史大夫鐵失弑帝于南坡。”丁巳元中書省差道明和尙來言：“皇叔晉王卽帝位是爲泰定皇帝大赦天下召還上王。”冬十月丁卯前正尹蔡河中齎織紋苧布如元。戊辰帝召還魏王阿木哥。庚午遣檢校評理梁許如元賀聖節。甲戌帝卽位遣直省舍人阿魯灰連古赤蠻子等來頒詔遣定安君琮元府令金承用賀登極。戊寅德妃魏王于永安宮。十二月辛酉元以改元泰定遣直省舍人化化的來頒詔。甲子遣萬戶曹如元獻方物。安軸趙康崔龍甲應舉于元。乙酉上王寄書樞曰：“寡人於十一月十日到都十三日利見至尊。猶念國王年少比人多行不義卿等懷祿無所匡救焉用彼相?自今可小心輔國。”○(甲子)十一年春正月王在元。庚寅延慶宮門火。甲寅帝王還國復賜國王印章。丙辰帝流刺太子于我大青島。二月丁卯大護軍張公允齎批日還自元。琮爲大匡定安君。察罕帖木兒爲大匡安山君。瑄爲成安君。理爲富平君。鑄義爲正尹。權漢功爲醴泉君。崔有守僉議政丞判選部事大寧府院君。金深守僉議政丞判摠部事。權準金怡僉議贊成事。崔誠之尹莘傑爲三司使。林仲沆爲推誠亮節功臣。任子松爲直朝言亮翊贊功臣。僉議評理。元忠僉議評理。李齊賢爲密直司使。朴仁幹爲盡誠秉義翊贊功臣知密直司事。崔天藏爲推誠任命保節功臣同知密直司事。金子實同知密直司事大司憲。柳仁奇同知密直司事。趙瓊元善之全彥爲密直副使。宦者李信爲輪忠保節同德佐理功臣寧越府院君。丁丑吉昌君權準如元賀改元。以朴瑗爲右副代言。壬午以前三司使金元祥趙延壽貳於潘王。下巡軍籍沒其家杖流于島。下延德大君瑁于監獄。三月戊戌以早禱雨于演福寺。乙巳爲溪里百餘家火丁未地藏坊里三百餘家火。己酉槐洞里火無風自熾延人物死者甚衆人謂之天火。辛亥王遣贊成事韓滉*{敘}盤纏布。乙卯上王械送伍尉方連宦者方元因于巡軍上王之在吐蕃也連元兄弟苦其久從艱險欲弑之而逃還中夜火行帳事覺。夏四月戊辰雨雪人有凍死者。壬申以早禁酒。丁丑雨。戊寅以金元沆爲知密直司事。慶斯萬李揆爲右左代言。壬午以李光逢爲三司使朴仁幹爲密直使張元祉爲推忠節節功臣密直副使其爲署署名於書者皆罷。辛未中書省差官脫帖帖木兒來鞠延德大君好事。帝命赦金元祥趙延壽。五月己丑僉議贊成事致仕閔宗儒卒。壬辰脫帖帖木兒還政丞崔有率百官軍民附書呈中書省曰：“小邦始自太祖聖武皇帝草創之際我忠憲王首先附屬歲修朝聘惟本分出氣力至忠敬王躬親赴闕令王京去水就陸。以至忠烈王老潘王及今國王欽蒙累朝聖旨隆階公世主爲駟馬優承恩海期小民睽食無虞。乃於至治元年四月國王赴闕朝見有本國奸臣等捏合虛辭冒朝廷。因此折還未還。於今年正月內欽蒙聖恩復襲王爵仍舊行事闔國臣民不勝。不期奸臣間有後心前說控告致有本院臺差來朝來審問。備知愚爲。某等伏慮小邦接日本極邊遠地相離中原四千里久曠無有不測之變無所當利害非輕。以此某等日夜爲懼未得寧心。若蒙聞奏天聰將說人等嚴加禁治回送本國毋令再行控告令國王早還本國安撫百姓似望懇懇杜絕臣民獲安幸甚。”丙申以成均學諭沈宗叔爲合浦萬戶府錄事。先是以式目中軍錄事爲之刀筆吏往往貪污不法。王知其然特命經術士代之。丁酉帝以冊皇后皇太子詔天下遣直省舍人禿魯不花來頒詔。丙午禱雨。是月以林仲沆僉議贊成事。全英甫尹碩爲評理。朴仁幹判密直司事。崔天藏爲密直司事。元善之同知密直司事。金元沆爲密直副使。六月戊午評理黃瑞如元賀冊皇后太子。辛巳慮囚。秋七月壬辰元遣閔闡出來求童女。癸丑倭船颶風至靈光郡凡二百二十餘人。具舟輯歸之。八月戊午王娶魏王阿木哥女金童公主。甲子上王傳旨曰：“判三司事朴虛中年已八十尙慕利祿被此

百錠宰樞亦贈銀綾苧虎豹熊皮。閏月乙未贊成事安文凱卒。甲辰以曹 爲僉議左政丞；洪彬爲贊成事。○(己卯)八年春三月癸未王薨于寢。在位前後二十五年壽四十六。性嚴毅沈重聰明善屬文工隸書。又性好潔一月湯浴之費諸香十餘盆苧布不下六十餘匹名曰手巾多爲內豎所竊王不之知。忠惠王後五年十二月元贈謚忠肅恭愍王六年閏九月加上尊號曰懿孝。史臣贊曰："自烈宣肅惠世歷四代父子相夷至與之訟于天子之朝貽笑天下後世。且父子天性之親孝爲百行之先而政事之本也。本既失焉其他無足觀者。忠肅晚年遺 國事出舍外郊信任朴青等三豎威福下移若子若孫皆罹凶夭可勝嘆哉。世家卷第三十五。